

**Talamdan sa  
Mga Mensahe alang sa Full-time Training  
sa Spring Term sa 2022**

-----

**LINANGKOB NGA HISGOTANAN:  
MGA CAPITULO 5 HANGTOD SA 8 SA ROMA—  
ANG UYOK SA BIBLIA**

Mensahe 11

**Ang Naghulmang Buhat sa Balaod sa Espiritu sa Kinabuhi  
aron Ipasama Ta sa Dagway ni Cristo nga Panganayng Anak sa Dios**

Basahong Kasulatan: Rom. 8:2, 14, 26-29; 5:10; Fil. 3:10

- I. Ang tumong sa Dios sa pamatigayon Niya pagpahimugso mag daghang anak nga hiniusang magpadayag Niya; alang niini, ipasama gyod ta sa dagway ni Cristo nga panganayng Anak sa Dios—Efe. 1:5; Rom. 8:14; Gal. 3:26; 4:5-7; Heb. 2:10; Bug. 21:7:**
- II. Ang buhat sa balaod sa Espiritu sa kinabuhi paghulma, pagpasama, man kanato sa dagway ni Cristo nga panganayng Anak sa Dios—Rom. 8:2, 29:**
  - A. Dunay upat ka sukaranong hiyas ang tanang matang sa kinabuhi: pagkamao sa kinabuhi, gahom sa kinabuhi, balaod sa kinabuhi, ug hulma sa kinabuhi.
  - B. Gidumalahan sa balaod sa Espiritu sa kinabuhi ang hulma sa kinabuhi; nagkinahanglan sa pagtubo sa kinabuhi kining naghulmang buhat sa balaod sa Espiritu sa kinabuhi, kay mobuhat ra man ang balaod sa Espiritu sa kinabuhi sa motubo ang kinabuhi—1 Cor. 3:6-7; Efe. 4:15; Col. 2:19.
  - C. Ang paghulma sa balaod sa Espiritu sa kinabuhi maoy kahulogan sa *masama* sa Roma 8:29.
  - D. Sa kapulihay, tungod sa pagbuhat sa balaod sa Espiritu sa kinabuhi, mahimong ham-tong nga mga anak sa Dios tang tanan, ug mabatonan sa Dios ang hiniusang pagpadayag Niya—Bug. 21:7, 10-11.
- III. Humanon sa Dios ang pamatigayon Niya sa pagpaambit Niya sa Iyang Kaugalingon nga balaod sa Espiritu sa kinabuhi kanato aron himoon tang hulad sa panganayng Anak sa Dios—Rom. 8:2, 29:**
  - A. Ang panganayng Anak maoy sumbanan, ang sulundan, alang sa dinaghang paghulad sa daghang anak sa Dios, nga mao ang daghang igsoon Niya, nga maumol nga Lawas Niya aron hiniusang magpadayag sa Dios—1:4; 8:14, 29; 12:4-5.
  - B. Ang paagi sa Dios sa paghimo kanatong hulad sa panganayng Anak sa Dios pagbuhat man sa Iyang buhing sumbanan, sa panganayng Anak, nganhi sa atong pagkatawo—Efe. 3:16-17a.
  - C. Ang panganayng Anak sa Dios, nga sumbanang nagpuyo-sa-sulod, awtomatikong mobuhat sa sulod nato isip balaod sa Espiritu sa kinabuhi aron ipasama ta sa Iyang dagway—Rom. 8:2, 29; Col. 1:27.
  - D. Ang Lawas ni Cristo nga usang bag-ong tawo mao ang hiniusang hulad sa panganayng Anak sa Dios—12:4-5.
- IV. Ang pagpasama, nga labaw pa sa pagtransporma, nagpasabot sa paghulma sa kinabuhi—8:29; 12:2:**

- A. Sulodnon ang pagtransporma ug may kalabotan sa pagkamao; dayag ang pagpasama ug may kalabotan sa hulma—2 Cor. 3:18.
  - B. Naglambigit ang pagtransporma sa pagkausab sa porma, samtang naglambigit ang pagpasama sa paghulma ning pormaha ngadto sa usa ka dagway—sa dagway ni Cristo nga panganayng Anak sa Dios.
- V. Sa magtubo ang diosnong kinabuhi sa sulod nato ug magtransporma nato, diha-dayong mobuhat ang balaod sa Espiritu sa kinabuhi aron ipasama ta sa dagway ni Cristo, nga panganayng anak sa Dios—Rom. 8:2, 29:**
- A. Gitudlo na tang daan sa Dios nga masama sa dagway sa Iyang Anak aron mahimo Siyang Panganay sa daghang magsoon—Efe. 1:5; Rom. 1:4; 8:29:
    - 1. Sa wala pa matukod ang kalibotan, gitudlo na tang daan sa Dios nga masama sa dagway sa Iyang Anak; nagpasabot kini nga palad nato nga masama [sa Iyang dagway].
    - 2. Ipasama ta sa dagway sa panganayng Anak sa Dios, ni Cristo nga unang Dios-tawo, aron mahimo tang grupo sa mga Dios-tawo nga pareho gyod Niya—1 Juan 3:2.
    - 3. Pinaagi sa pagpasama mabatonan sa Dios ang hiniusang pagpadayag sa Iyang panganayng Anak nga naglakip sa daghang anak Niya aron mahuman ang walay kataposang tuyo Niya—Efe. 3:11.
  - B. Ang pagkasama nato sa dagway sa panganayng Anak sa Dios pagkaluwas man diha sa kinabuhi gikan sa pagkasama-sa-kaugalingon, sa ato pa, sa pagpadayag, sa panagway, sa kaugalingon—Rom. 5:10:
    - 1. Maingon nga si Cristo ang pagkalawas ug pagpadayag sa Dios, ang kaugalingon maoy pagkalawas ug pagpadayag ni Satanas—Mat. 16:21-24.
    - 2. Ang pagpadayag sa kaugalingon mao ang pagkasama-sa-kaugalingon; maluwas gyod unta tang tanan diha sa kinabuhi ni Cristo gikan nianang pagpadayaga.
    - 3. Sa maluwas na ta gikan sa pagkasama-sa-kaugalingon ug hingpit nang masama sa dagway ni Cristo nga panganayng Anak sa Dios, mga anak na ta sa Dios sa realidad, ug sa tanang bahin naa na tay panagway sa mga anak sa Dios—Heb. 2:10.
  - C. Aron masama sa dagway sa panganayng Anak sa Dios nga hiniusang magpadayag sa Dios, luwason gyod ta gikan sa pagkatalagsaon nato—1 Juan 3:2:
    - 1. Ang pagkatalagsaon, nga kataposang pagpadayag sa atong natural nga kinabuhi, mao ang dili-makiangayon ug hiwi nga mga kinaiya nato.
    - 2. Makaulang ang pagkatalagsaon nato sa mas dato nga mga pagsinati kang Cristo, sa pagkinabuhi kang Cristo, ug sa pagkatukod ingon nga Lawas ni Cristo—Efe. 3:8; 4:16; Fil. 1:20-21a.
    - 3. Malalangon ug tago nga giilog ug gipanag-iy sa atong pagkatalagsaon ang luna sa sulod nato nga alang unta ni Cristo; sa ingon niana, makalilisang nga anticristo nga naa sa atong pagkatawo ang pagkatalagsaon.
  - D. Kon buot tang masama sa dagway sa panganayng Anak sa Dios, ipahiuyon gyod ta sa kamatayon ni Cristo pinaagi sa gahom sa Iyang pagkabanhaw—3:10:
    - 1. Hulmahan ang kamatayon ni Cristo nga niini gihulma ta ngadto sa Iyang dagway isip panganayng Anak sa Dios.
    - 2. Kon dili ta mapahiuyon sa kamatayon ni Cristo, dili gyod ta masama sa dagway ni Cristo.
    - 3. Sa niagi ta sa kahikayan sa pagtransporma ug pagpasama, gipahiuyon ta sa kamatayon ni Cristo—2 Cor. 3:18; Rom. 8:29; Fil. 3:10.
  - E. Nangamuyo ang Espiritu alang nato, ug masigkatabang ang tanang butang alang nato aron hingpit tang masama sa dagway ni Cristo nga panganayng Anak—Rom. 8:26-29:

1. Si Cristo ang sumbanan, ug nag-ampo ang Espiritu nga tanang mahitabo nato maghulma unta nato ning sumbanana, sa dagway sa panganayng Anak sa Dios—vv. 26-27.
  2. Magbubuot ang Dios Amahan, gipahiluna Niya ang tanan, ug nasayod Siya unsay labing maayo para nato; gitubag Niya ang pagpangamuyo sa Espiritu sa pagpabuhat Niya sa tanang butang alang sa ikaayo nato—aron masama ta sa dagway sa panganayng Anak sa Dios aron hiniusang mapadayag ang Tulo-usang Dios—vv. 28-29.
- F. Gitawag ta sa Dios sa tuyo nga ipasama ta sa dagway sa Iyang Anak, ug ang paagi sa pagbulig nato sa Dios sa Iyang tuyo paghigugma man Kaniya—vv. 28-29:
1. Ang paghigugma nato sa Dios pagbulig man nato Kaniya, ug ang pagbulig nato Kaniya paghatag man nato Niyag higayon nga makabuhat sa tuyo Niya sa sulod nato ug uban nato—Mar. 12:30.
  2. Kon nahigugma ta sa Dios, masigkatabang ang tanan alang sa ikaayo nato, sa ato pa, aron masama ta sa Iyang dagway—Rom. 8:29.
  3. Mahimo bang kaayohan o kapildihan nato ang tanang butang, nag-agad kini sa paghigugma nato sa Ginoo; ang sekreto paghigugma man nato Kaniya—v. 28; 1 Cor. 2:9.